

BATASUNAREN LEGEZ KANPORATZEA. Ertzaintzak, Guardia Zibilak eta Espainiako Poliziak Garzon epailean autoa betearazten jardun zuten atzo. Ertzaintzak Batasunaren lau egoitza itxi zituen atzo istiluen artean Bilbo, Gasteiz eta Donostian.

Ertzaintza Batasunaren egoitzak hustu eta ixten hasi da Bizkaian, Araban eta Gipuzkoan

Elizondo, Leitza, Lizarra, Tafalla, Viana eta Tuterako egoitzak, Altsasu eta Burlatako bi elkarte, eta Iruñeko bi 'herriko'-ko bulegoak itxi zituen Guardia Zibilak Nafarroan

Erredakzioa | DONOSTIA

Ertzaintza Baltasar Garzon en agindua betetzen hasi zen atzo. Arratsaldeko lauretatik aurrera Batasunaren egoitzak hustu eta ixteari ekin zion. Guztira, gaueko hamaikak bitartean, Batasunaren lau egoitza itxi zituen Ertzaintzak: Gasteizko Ramiro de Maeztu kalean, Bilboko Areatzan, eta Donostiako Arrasate kalean eta Arriola pasealekuan. Kasu gehienetan Ertzaintza bortizki oldartu zen egoitzen inguruan bilduta zeuden jarraitzaileen kontra bazterrazteko asmoz eta, egoitzetan sartzeko atea bortxatu zituen. Halaber, egoitzen barruan zeuden Batasunako burukide eta hautetsiak kaleratu egin zituen, tirabiren artean.


Aipatutako egoitzez gain, Ertzaintzak bi bulego itxi zituen Bilboko Colon Larreategi kalean, hain zuzen ere, Torturaren Aurkako Taldeak eta Etxerat elkarteak erabiltzen dutena.

Gasteizetik hasita

Ertzaintza lehenik Gasteizko Ramiro Maeztu kaleko egoitzan agertu zen Batasunaren egoitza ixteko asmoz, arratsaldeko laurak eta hamarrean. Ertzainek bultzak eta kolpeka baztertu zituzten atarian bilduta zeuden jarraitzaileak. Gero atea hautsi, barrura sartu eta bertan zeuden hautetsiak kaleratu zituen. Atea zigilatzen ari zirenean, oldarraldi batzuk egin zituzten inguruan bildutakoen kontra.

Bigarrenik, lau eta erdiak inguruan, Ertzaintza Bilboko egoitzan agertu zen. Kaleko atari aurrean zeudenak baztertzeko porrak erabili zituzten ertzainek. Egoitzaren barruan Arnaldo Otegi eta beste burukide batzuk zeuden zain. Ertzainek hautsi zituzten atea sartzeko eta barruan zeuden batzuk kanporatu zituzten. Batzuk balkoian kateatu ziren eta tirabirak izan ziren.

Hirugarrenik, arratsaldeko bostak inguruan, Ertzaintzak Donostiako Arrasate kaleko egoitza ixteari ekin zion. Hemen ere istiluak izan ziren. Lau garrenik, arratsaldeko zortziak eta hamarrean Gipuzkoako egoitza ixtera agertu zen Ertzaintza Arriola pasealekuan. Jende ugari zegoen kanpoaldean eta oldartu egin zen Batasunako kide eta jarraitzaileen kontra atariraino iristeko. Kasu guztietan Batasunaren egoitzen inguruan bildutakoek Ertzaintzaren, Eusko Jaurlaritzaren



ANDONI CANELLADA / ARGAZKI PRESS

Donostiako Arriola pasealekuko Batasunaren egoitzaren barruan zeudenak indarrez kanporatu zituen Ertzaintzak.

EGOITZEN IXTEA

TAT eta Etxerat-en Bilboko bulegoak itxi dituzte

Ertzaintzak bi bulego zigilatu zituen atzo Bilbon, Batasunaren Areatzako egoitza itxi ondoren, arratsaldeko zazpiak inguruan. Bi bulego horiek Colon Larreategi kaleko 31 zenbakiko pisu batean daude; bata, Torturaren Aurkako Taldearena da, eta, bestea, Etxerat elkartearena. Ertzainak agertu direnean, pisu bereko beste bulego batean bi pertsona zeuden (Preso-



MARISOL RAMIREZ / ARGAZKI PRESS

Torturaren Aurkako Taldearen Bilboko bulegoa, Ertzaintzak zigilaturik.

en Aldeko Medikuek taldeko bi kide) eta hauek azaldu zieten oker bat zela, bulego haiek ez zeukatela zerikusirik Batasunarekin. Ertzainek epailearen agindua betetzera zihoazela eta Garzon Amerikako Estatu Batuetako unibertsitate batean zegoela, *honoris causa* izendatu behar zutelako, eta hura itzuli arte ezin zutela ezer egin erantzun zieten. Azkenean, TAT eta Etxerat-en bulegoak zigilatu zituzten eta medikuek ez. Joan den urrian Baltasar Garzon epaileak berak Amnistiaren Aldeko Batzordeen kontrako operazioa agindu zuenean ere aipatutako hiru bulegoak itxiarazi zituen, baina hilabete pare bat geroago zabaltzeko baimena eman zuen.